

Præfectus equitum, seu procurator
hospitij.

Der Quartirmeister der Reisigen.

Quando per ignotos Legio profici scitur agros,
Ambulat et longæ fracta labore viæ.
Hospitium fessis ego nocte cohortibus aptum
Constituo, vires quo reparare queant.

Attamen in primis domus huic aperitur amæna,
Principis officium qui generalis agit.
Commoda nobilibus quoq; diuersoria signo,
Noctis ubi lætæ per breue tempus agant.
At reliquis requiem dat tessera, datq; tabernam,
Replet eos nimio quæ madefacta mero.

Ductoris equitum Scriba.

Des Ritter meisters Schreiber.

INtrepidos equites scribo vigilanter in album,
Scriba meis turmis Martius unde vocor.
Principis in nostri castris ut is ære merebit,
Ordine queng suo docta tabella gerit.
Ad varios actus, & multa negotia rerum,
Ingenij Princeps utitur arte mei.
Magnanimo iurans equitum promitto Magistro,
Ingenuam nolim quod temerare fidem.
Impositum sed onus curare fideliter omni
Tempore, nec vafris deditus esse dolis.

Gregarij milites. Gemeine Landsknechte.

Millibus è multis nos Dux elegit ad arma,
Membraq; militiae iudicat apta suæ.